



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

37 Episcopi. Abbates, & alijpraelati, an feuda ad eorum ecclesias
devolutas possint aliis in feudare.

urn:nbn:de:hbz:466:1-10316

& armis muniverat, deventum fuit ad arma.

- 32 Nam Papa ꝑ utrumque gladium habet, spirituale, & temporale, *Luc. cap. 22. Paul. 1. Corinth. cap. 6, cap. 1, S. in; hac, de major. & obed. in extravag. com. Berlat. cons. 124, num. 63, lib. 1. & post Archid. in cap. quoniam, 10, dist. Bald. in l. cum multa, num. 2, C. de bon. qualib. ubi, quod Constantinus in resignatione regnii resignavit beato Sylvestro gladium, ostendens non legitime se habuisse, cum ab Ecclesia non receperit; Papæ enim, & temporali gladio vim vi repellere, & injustis armis, ꝑ iusta Romanæ Ecclesiæ arma opponere licuit, cum gladio temporali ad propriam defensionem unicuique, etiam privato, liceat uti, *gloss. fin. in cap. dilecto, in fine. & ibi Jo. Andr. Dam. & Franc. de sentent. excomm. in 6. Et propterea Papa validum, tum peditum, tum equitum exercitum in statu ecclesiastico constari, & apparari iussit, ac fecit, quia bellum ꝑ iustum in vasorem propulsando, & bona occupata repetendo, ei indicere, & facere licebat, cap. iustum, 23, quest. 3. Abb. in cap. excommunicamus, 1, num. 8, de heret. & Navarr. in cap. contrarium, num. 4, de penit. dist. 5, tom. 1. Iusta enim bellandi causa cum Principis auctoritate, & intentione, seu animo, & modo rectè bellandi iustum bellum efficit, & militare non est delictum, *Luc. cap. 3, vers. & ait illis, cap. militare, 23, quest. 1. & Navarr. d. cap. contrarium, num. 3, & s.***

Papa autem, ut Pii pastoris officium, & paternam curam in omnibus partibus integrè geret, cum primò armis ecclesiasticis, nempe censuris in executionem

sententiæ pro dicti Ducatus recuperatione usus fuisset; ac demum paratum exercitum haberet, ut quantum fieri posset, sanguinis effusioni parceretur, Petrum ꝑ Aldobrandinum Sanctæ Romanæ Ecclesiæ Cardinalem ex fratre nepotem, Legatum de latere cum dicto exercitu misit, cuius opera, ingenii, ac virtutis præstantia, dux Mutinæ, ut bonum decet Principem, juri acquievit, eidemque Camera, & Sedi Apostolicæ ꝑ Ducatum Ferrariæ restituit, armis depositis sine aliqua sanguinis effusione.

Et, cum ex præmissis proculdubio constet, civitates, castra, & terras Sedi Apostolicæ immediatè subjectas, per devolutionem eidem Camera Apostolicæ incorporari, ut in causa ejusdem feudi Ducatus Ferrariæ de anno 1596. fuit per Papam sententiarum constitutionibus, & juribus supra allegatis, quæri potest, quid juris in devolutionibus, ꝑ terrarum, castrorum, ac locorum, mensarum Episcopialium, & Abbatialium, pro quibus ab Episcopis, & Abbatibus, aliisque Prælatibus, solent utiles domini in feudari. Et videtur, quod Prælati feuda ad eorum Ecclesias devoluta possint aliis infeudare in tribus casibus.

Primò, decedente vasallo sine descendibus, & feudo devoluto.

Secundò, filium, vel consanguineum alienantis ejusdem feudi consortem.

Tertiò, feudum alienatum, quod Prælati facile recuperare non potest, alicui laico in feudum concedere, qui, & illud recuperet, & in feudum ab Ecclesia recognoscat, ut text. in d. cap. 2, de feudis, & ibi Abb. num. 3. etiam non obstante juramento, quod à Prælatibus præstatum

statu de non alienando, inconsulto Romano Pontifice, quia non videtur nova alienatio, ex quo à principio fuit sancitum, ut illa bona darentur in feudum, ut ibi per Abb. eodem num. 2. & quia feuda non possunt dici de mensa, cum alius percipiat fructus, & habeat utile dominium, directo penes Prælatum remanente, & de novo ad Ecclesiam reversis, est permessa nova infeudatio. Innocent. in cap. super, post med: de reb. Eccles. non alienan. & gloss. in Clement. unic. in ver. ad mensam, de excess. præl. & ibi Abb. num. 12. quæ tamen jura fuerunt correctæ in pluribus, tam per extravag. Ambitiosa, de reb. Eccles. non alienan. q. à vi per dictam constitutionem Pii V. & confirmationem Innocent. IX. de quibus

38 supra: quia, aut illa feuda † dependent immediatè, & principaliter à Camera Apostolica, à qua feudatarii fuerunt investiti, & tunc in casu devolutionis, absque ulteriori declaratione, & illorum possessionis apprehensione sunt eo ipso Sedi, & Camera Apostolicæ incorporata, ac ad jus, & dominium pristinum, & possessionem reversa, ut sunt verba expressa ejusdem Constitutionis Pii V. & Innocent. IX. de quorum potestate non est ambigendum; quia Papa est omnium bonorum ecclesiasticorum summus administrator. Innocent. in cap. non erit, de sentent. excomm. Abb. in cap. constitutus, num. 13, de relig. dom. & Navarr. de spol. cler. §. 9, num. 2, cum aliis citatis supra, paulò post prinè.

39 Aut vasalli non capiunt † investituram à Sede Apostolica, sed ab Episcopo, & eo casu, aut devolvuntur terræ, castra, oppida, vel loca etiam mediatè Sedi A-

postolicæ subiecta, & tunc etiam, quòd meventur à directo dominio mensarum Episcopaliū, Abbatialium, aut aliarum Ecclesiarum, & quòd decedentes consueti fuerint infeudari à Prælatis earundem Ecclesiarum, quòd de sic devolutis non possent novo feudum disponere per declarationem, & ampliacionem ejusdem Innoc. IX. ibi, prohibitam fuisse, & prohiberi omnem, & quamcunque infeudacionem, ac alienacionem civitatum, terrarum, oppidorum, & locorum Sedi Apostolicæ, tam mediatè, quàm immediatè subiectorum, & si de illis in feudum, aut aliàs quomodolibet disponunt investitura, & dispositiones tanquam contra formam, & dispositionem dictarum constitutionum factæ, sunt ipso jure nullæ, ut in d. extravag. Ambitiosa. §. si quis autem.

40 Potest tamen Prælatus hoc casu † declarare caducitatem, & dominium utile cum directo Ecclesiæ esse consolidatum, quæ declaratio requiritur, cum res feudalis intelligatur reverti, etiam ob aliquod maleficium commissum, si dominus voluerit, & declaraverit, & non aliàs, gloss. in l. 2. & ibi Bar. ff. si ager vetal. vel emphyt. & Jus. post Abb. Sal. Jo. de Imol. & Alexand. quos citat in l. 2, c. de jur. emphyt. num. 6, 8. & 9. & tunc mensæ Ecclesiæ acquiritur, & incorporatur. Nec Camera & Sedi Apostolicæ devolvitur infeudatio, cui per dictas constitutiones in eventum devolutionis non repetiuntur feuda reservata, nec præsumitur, quia reservationes † sunt odiosæ, & strictè intelligendæ, gloss. in cap. presenti, in ver. finitur, post medium, de off. leg. in 6. Cassad. decis. 30